

而不能言迨天明顧夫扛下至二三程許二首者俱死四人無恙自後凶徒皆知畏敬凡上山者無不齋戒焉

告仙免壓死

大浮山下有彥先者偶遺其姓於宋淳熙己亥年五月五日屋後忽然有聲急看乃是山崩其勢必壓倒舉家人口皆就死地倉皇無措遂合家望大浮山告華蓋三仙求救許醮拜山告訴哀切忽然山裂止住一家全活迨今其拆猶在此事顯應尤著彥先宅近半里有張邦昌者其家同日遭山咲壓死者半噫彥先告仙者獲福如此邦昌未告者獲禍如此世之人安得不嚴事於仙真乎

道藏輯要

三仙事實

全

翼集六
X百四十四

吳一鶚夢授法書

淳熙壬寅歲九月二十六日甲子天將欲明時吳君一鶚夢在華蓋山崇仙觀相似坐於三層靠背竹牀之上俄覩其山江道士着山谷褐衣來訪吾遂牽接上竹牀上相對作揖敘話間忽在一樓上江師不見別有二道士內着紫一人長髯道貌紫色清癯其次一人不肥不長雍容濟楚各執得一卷紙寫文字與吾相揖吾稽首叩頭問手中何文道士曰是法書吾爲借看既得卽八袖中卻堅爲求覓一人相允內紫衣長髯者有怒意堅來取索吾遂與爭吾分明記是夢中然心下說只要入我袖中雖夢覺亦得其相允者遂勸得紫衣道士下樓去吾傍有一人